

漢魏叢書

載藉

鹽鐵論

卷一
之六

漢

桓寬

著

第九十冊

鹽鐵論卷一

漢 汝南桓寬有

本議第一

惟始元六年有詔書使丞相御史與所舉賢良文

學語問民間所疾苦

車千秋傳曰武帝疾立皇子鉤弋夫人男爲太子拜大將

軍霍光車騎將軍金日磾御史大夫桑弘羊及丞相千秋並受遺詔輔道少主武帝崩昭帝初卽位未任聽政政事壹決大將軍光千秋居丞相位謹厚有重德始元六年昭帝詔郡國舉賢良文學之士問以民所疾苦於是鹽鐵之議起焉

文學對曰竊聞治人之道坊

古防

淫佚之原廣道德

之端抑末利而開仁義毋示以利然後教化可興而

風俗可移也今郡國有鹽鐵酒權

音較

均輸與民爭利

食貨志曰大農上鹽鐵丞孔僅咸陽言山海天地之藏也皆宜屬少府陛下不私以屬大農佐賦願募民自給費因官器作煮鹽官與牢盆浮食奇名欲擅管山海之貨以致富羨役利細民其沮事之議不可勝聽敢私鑄鐵器煮鹽者欽左趾沒入其器物郡不出鐵者置小鐵官便屬在所縣使孔僅東郭咸陽乘傳舉行天下鹽鐵作官府除故鹽鐵家富者爲吏武帝紀曰天漢三年春二月初權酒酤是時桑弘羊爲大司農蓋其所建也應劭曰縣官自酤權孔僅小民不得復酤也韋昭曰權謂禁民牢盆浮官私以天地之設木爲榷獨取其利有若渡民其沮因立名願募民平準書曰元封元年桑弘羊趾沒入都尉領欲擅管孔僅筦天下鹽鐵弘羊以諸使孔僅事相與不可勝騰躍而天下賦輸或不償其僦費乃請置大農部丞

數十人分部主郡國各往往縣置均輸令遠方各以其物貴時商賈所轉販者爲賦而相灌輸置平準于京師都受天下委輸名工官治車諸器皆仰給大農六農之諸官盡籠天下之貨物貴卽賣之賤則買之如此富商大賈無所牟大利則反本而萬物不得騰踊故抑天下物名曰平準天子以爲然許之散

敦厚之樸成貪鄙之化是以百姓就本者寡末者

衆夫文繁則質衰末盛則本虧末修則民淫本修則

民慤

音郤

民慤則財用足民侈則饑寒生願罷鹽鐵酒

權均輸所以進本退末廣利農業便也

大夫曰匈奴背叛不臣數爲暴於邊鄙備之則勞

中國之士不備則侵盜不止先帝哀邊人久患

苦爲虜所係獲也故修障塞飭烽燧屯戍以備之

先帝漢武帝也戍音絮
守邊也從人持戈爲意

邊用度不足故興鹽鐵設

酒權置均輸蕃貨長財以佐助邊費今議者欲罷

之內空府庫之藏外乏執備之用使備塞乘城之

士

乘城謂登城
而守之也

饑寒於邊將何以澹

古贍字

之罷之

不便也

文學曰孔子曰有國有家者不患寡而患不均不患

貧而患不安故天子不言多少諸侯不言利害大夫

不言得喪畜仁義以風之廣德行以懷之是以近者

親附而遠者說服故善克者不戰善戰者不師善師

者不陳

古陣字

修之於廟堂而折衝還

音旋

師王者行仁

政無敵於天下惡用費哉

大夫曰匈奴桀黠

音牽謚法云賊人多殺曰桀

擅恣入塞犯厲

中國殺伐郡縣朔方都尉甚悖不軌

法也

宜誅討之

日久矣陛下垂大惠哀元元之未澹

古澹字元庶民也

不

忍暴士大夫於原野縱然被

音披

堅執銳有北面復

匈奴之志又欲罷鹽鐵均輸憂邊用損武略無憂

邊之心於其義未便也

文學曰古者貴以德而賤用兵孔子曰遠人不服則
修文德以來之既來之則安之今廢道德而任兵革
興師而伐之屯戍而備之暴兵露師以支久長轉輸
糧食無已使邊境之士饑寒於外百姓勞苦於內立
鹽鐵始張利官以給之非長策也故以罷之爲便也
大夫曰古之立國家者開本末之途通有無之用
市朝以一其求致士民聚萬貨農商工師各得所
欲交易而退易曰通其變使民不倦李奇曰器幣
有不便於時
則變更通利之使民
樂其業而不倦也故工不出則農用乖商不出

則寶貨絕農不出則穀不殖寶貨絕則財用匱故
鹽鐵均輸所以通委財而調緩急罷之不便也

文學曰夫道民以德則民歸厚示民以利則民俗薄
俗薄則背義而趨利趨利則百姓交於道而接於市

老子曰貧國若有餘非多財也嗜欲衆而民躁也

賈逵

曰躁
援也

是以王者崇本退末以禮義坊民欲實菽粟貨

財市商不通無用之物工不作無用之器故商所以
通鬱滯工所以備器械非治國之本務也

大夫曰管子云國有沃野之饒而民不足於食者

器械不備也有山海之貨而民不足於財者商工
不備也隴蜀之丹漆旄羽荆揚之皮革骨象江南
之枏梓竹箭燕齊之魚鹽旃裘兗豫之漆絲絺紵
養生送死之具也待商而通待工而成

貨殖傳曰夫山西饒

材竹穀纁旄王石山東多魚鹽漆絲聲色江南出枏梓薑桂金錫連丹沙犀璠珠璣齒革龍門碣石北多馬牛羊旃裘筋角銅鐵故聖人作為舟楫以通川谷服牛

駕馬以達陵陸致遠窮深所以交庶物而便百姓
是以先帝建鐵官以澹農用開均輸以足民財鹽
鐵均輸萬民所戴仰而取給者罷之不便也

文學曰國有沃野之饒而民不足於食者工商盛而
本業荒也有山海之貨而民不足於財者不務民用
而淫巧衆也故川源不能實漏卮山海不能澹溪壑

汜論曰雷水足以溢壺榼江河不能實漏卮
王符曰山林不能給野火江海不能實漏卮是以盤

庚萃居舜藏黃金

殷紀曰帝盤庚之時殷已都河北
盤庚渡河南復居成湯之故居乃

五遷無定處殷民咨胥皆怨不欲徙盤庚乃遂涉河
南治亳行湯之政然後百姓由寧殷道於是乎復興
秦族訓曰舜深藏黃金於藪
巖之山所以塞貪鄙之心也高帝禁商賈不得仕宦

所以遏貪鄙之俗而醇至誠之風也排困市井

排斥也

坊塞利門而民猶爲非也況上之爲利乎傳曰諸侯

好利則大夫鄙大夫鄙則士貪士貪則庶人盜是開

利孔爲民罪梯者也

管子曰利出於一孔者其國無敵出二孔者其兵不詘出三孔

者不可以舉兵出四孔者其國必亡梯階也

大夫曰往者郡國諸侯各以其物貢輸往來煩雜

物多苦惡或不償其費故郡置輸官以相給運而

便遠方之貢故曰均輸開委府于京以籠貨物

籠包

舉也賤卽買貴卽賣是以縣官不失實

如淳曰縣官天子也張晏

曰不敢斥言天子謂之縣官也

商賈無所牟利

如淳曰牟取也

故曰平準

平準則民不失職均輸則民齊勞逸故平準均輸

所以平萬物而便百姓非開利孔爲民罪梯者也

文學曰古者之賦稅於民也因其所工不求所拙農

人納其獲女紅

工音

效其功今釋其所有責其所無百

姓賤賣貨物以便上求閒

諫音

者郡國或令

平聲

民作布

絮吏留難與之爲市吏之所入非獨齊陶之縑蜀漢

之布也亦民間之所爲耳而行姦賣乎農民重

平聲

苦

女紅再稅未見輸之均也縣官猥發闔門擅市則萬

物並收萬物並收則物騰躍

司馬貞曰騰躍者謂物踊貴而價起

騰躍

則商賈侔利自市

行貨曰商坐販曰賈

侔利自市則吏容姦豪

而富商積貨儲物以待其急輕賈

音古

姦吏收賤以取

貴未見準之平也蓋古之均輸所以齊勞逸而便貢

輸非以爲

去聲

利而賈萬物也

力耕第二

大夫曰王者塞天財禁關市執準守時以輕重御
民豐年歲登則儲積以備乏絕凶年惡歲則行幣
物流有餘而調不足也昔禹水湯旱百姓匱乏或
相假以接衣食禹以歷山之金湯以嚴山之銅鑄
幣以贈其民而天下稱仁往者財用不足戰士或

不得祿而山東被災齊趙大饑

穀梁傳曰五穀不升爲大饑

賴

均輸之蓄倉廩之積戰士以奉饑民以賑故均輸之物府庫之財非所以賈萬民而專奉兵師之用亦所以賑困乏而備水旱之災也

文學曰古者什一而稅澤梁以時入而無禁黎民咸被南畝而不失其務故三年耕而餘一年之蓄九年耕有三年之蓄此禹湯所以備水旱而安百姓也

王制

曰國無九年之蓄曰不足無六年之蓄曰急無三年之蓄曰國非其國也周書曰有十年之積者王有五年之積者霸無一年之積者亡草萊不闢田疇不治雖擅山海之財

通百味之利猶不能澹也是以古者尚力務本而種

樹繁躬耕趣時而衣食足雖累凶年而人不病也

梁簡

文帝曰九年之水不傷堯政七載之旱無累湯朝

故衣食者民之本稼穡者

民之務也二者修則國富而民安也詩云百室盈止

婦子寧止也

大夫曰賢聖治家非一室富國非一道昔管仲以

權譎伯

音霸

而范氏以强大亡

出公十七年知伯與趙韓魏共分范中行

地以爲邑

使治家養生必於農則舜不甄陶而伊尹不

爲庖故善爲國者天下之下我高天下之輕我重

以未易其本以虛蕩其實今山澤之財均輸之藏

所以御輕重而役諸侯也汝漢之金纖微之貢所

以誘外國而釣羗胡之寶也夫中國一端之縵

音漫

繒之無文者也得匈奴累金之物而損敵國之用是以羸

音驢駝宅音宅駝銜尾入塞羸驢種而馬生也駝駝古本作棗侏言能負棗囊而

佐物也驪音駝驪音驪驪音驪馬盡爲我畜驪驪古本作驪

鼪音鼪鼪音鼪狐貉采旃音旃文罽音罽充於內府而璧玉

珊瑚瑠璃咸爲國之寶是則外國之物內流而利

不外泄也異物內流則國用饒利不外泄則民用

給矣詩曰百室盈止婦子寧止

文學曰古者商通物而不豫工致牢而不僞故君子

耕稼佃漁其實一也商則長

音掌

詐工則致罵內懷闕

闕而心不忤

闕闕私視也

是以薄夫欺而敦夫薄昔桀女

樂充宮室文繡衣裳故伊尹高逝遊毫

音薄

而女樂終

廢其國

管子曰昔者桀之時女樂三萬人端諫晨樂聞於三衛是無不服文繡衣裳者伊尹以毫

之游女工文繡纂紐一純得粟百鐘於桀之國夫桀之國天子之國也桀無天下憂飾婦女鐘鼓之樂故伊尹得其粟而奪之流此之謂來天下之財桀霸有天下而用不足湯有七十里之毫而用有餘天非獨爲湯而菽粟而地非獨爲湯出財物也伊尹善通移輕重開闕決塞通於高下徐疾之策坐起之費時也